

CONVOCATORIA PUBLICA DE CONTRATACIÓN DE PERSONAL PARA COLABORAR EN ACTIVIDADES E PROXECTOS DE INVESTIGACIÓN MEDIANTE CONTRATO DE OBRA OU SERVIZO DETERMINADO

A Universidade de Santiago de Compostela convoca Concurso Público Nº **10/2012** para contratar a persoal que especificamente colabore nas actividades e proxectos de investigación que figuran nos anexos a esta Resolución Reitoral, de acordo coas seguintes bases.

1.-OBXECTO

O obxecto da presente convocatoria é contratar persoal para colaborar nas actividades e proxectos de investigación que figuran no anexo I da presente convocatoria.

O persoal contratado colaborará especificamente na actividade ou proxecto de investigación para o que é contratado.

2.-REQUISITOS DOS CANDIDATOS

Para seren admitidos os aspirantes, ademais de cumprir os requisitos específicos esixidos na actividade ou proxecto de investigación para a que realicen a súa solicitude e que figuran no anexo I desta convocatoria, deberán posuír no día de remate de presentación de solicitudes e mantelos anta a data de sinatura do contrato, os seguintes requisitos de carácter xeral:

- Ser español ou nacional dalgún dos demais estados membros da Unión Europea ou nacional dalgún estado, ao que, en virtude de tratados internacionais celebrados pola Unión Europea e ratificados por España, lles sexa de aplicación a libre circulación de traballadores.
- Tamén poderán participar, calquera que sexa a súa nacionalidade, o cónxuxe dos españois e dos nacionais dalgún dos demais estados membros da Unión Europea, e cando así o prevea o correspondente tratado, o dos nacionais dalgún estado ao cal en virtude dos tratados internacionais celebrados pola Unión Europea e ratificados por España le sexa de aplicación a libre circulación de traballadores, sempre que non estean separados de dereito. Así mesmo, coas mesmas condicións, poderán participar os seus descendentes e os do seu cónxuxe, menores de vinte e un anos ou maiores da dita idade que vivan ás súas expensas.
- Os estranxeiros que non estando incluídos no parágrafos anteriores se atope con residencia legal en España.
- Ter cumpridos os 16 anos e non exceder da idade máxima de xubilación forzosa.
- Estar en posesión da titulación válida en España que se indique no anexo I da convocatoria.
- Non padecer enfermidade nin estar afectado por limitación física o psíquica que sexa incompatible co desempeño das correspondentes funcións.

- Non estar separado, mediante expediente disciplinario do servizo de calquera das administracións públicas nin estar inhabilitado para o desempeño das funcións públicas.

3.-SOLICITUDES

Quen desexe participar neste proceso selectivo deberá solicitalo ao reitor da USC en instancia, segundo o modelo que figura como anexo II desta convocatoria, no prazo de dez (10) días hábiles contados a partir do seguinte ao da publicación do anuncio.

As solicitudes serán presentadas nos Rexistros Xerais da USC, sitos no Colexio San Xerome, Praza do Obradoiro s/n, 15782 Santiago de Compostela, nos Servizos Centrais do Campus de Lugo, Edificio Biblioteca Intercentros, 27002 Lugo, no Rexistro da Oficina de Investigación e Tecnoloxía, edificio Cactus, Campus Vida, 15782, Santiago de Compostela ou por calquera dos procedementos establecidos no artigo 38 da Lei 30/1992 de Réxime Xurídico das Administracións Públicas e do Procedemento Administrativo Común.

4.-DOCUMENTACIÓN

Os aspirantes, para seren admitidos ao proceso selectivo, acompañaran necesariamente á súa solicitude a seguinte documentación:

- Fotocopia simple da certificación académica na que consten as cualificacións obtidas nos seus estudos. As certificacións dos estudos realizados no estranxeiro deberán presentarse coas correspondentes traducións oficiais ao español ou galego, que deberá facerse por un tradutor xurado debidamente autorizado en España.
- Fotocopia simple da documentación xustificativa do cumprimento dos requisitos esixidos no anexo I da convocatoria.
- Fotocopia simple da documentación xustificativa dos méritos alegados.

5.-ADMISIÓN DE ASPIRANTES

Rematado o prazo de presentación de solicitudes, o reitor da USC ditará resolución, declarando aprobada a listaxe provisional de admitidos e excluídos.

Os aspirantes excluídos, disporán dun prazo de dez días hábiles, contados a partir do seguinte ao da publicación da citada resolución, para poder emendar os defectos que motivaron a súa exclusión.

Os aspirantes que, dentro do prazo sinalado, non emenden a exclusión ou aleguen a omisión, xustificando o dereito a seren incluídos na relación de admitidos, serán definitivamente excluídos.

O feito de figurar na listaxe de admitidos no prexulga que se lles recoñeza ás persoas interesadas a posesión dos requisitos esixidos, que terán que acreditarse non seu momento.

6.-COMISIÓN DE SELECCIÓN

A Comisión de selección encargada de resolver esta convocatoria estará composta por:

Presidente: Francisco González García Vicerreitor de Investigación e Innovación.

Secretario: Emilio Santos Vigo, Xefe do Servizo de Convocatorias e Recursos Humanos de I+D

Vogais:

Rogelio Conde-Pumpido Tourón, Director da Área de Xestión e Valorización de I+D
Dolores Pérez Meiras, investigadora da USC.

O investigador principal da actividade ou proxecto de investigación propoñente da praza, que figura no anexo I destas bases.

A Comisión de selección constituirase para cada unha das prazas que figuren no anexo I destas bases, formando parte da mesma o investigador proposto da devandita praza.

Os membros da comisión deberán de absterse de intervir, notificándollos ao reitor da Universidade, cando concorran neles circunstancias previstas no artigo 28 da Lei 30/1992, do 26 de novembro, ou se realizasen tarefas de preparación de aspirantes a probas selectivas nos cinco anos anteriores á publicación deste proceso selectivo.

Así mesmo os aspirantes poderán recusar aos membros da comisión cando concorran algunha das circunstancias antes citadas.

Logo da convocatoria do presidente, constituirase a comisión, coa asistencia da maioría absoluta dos seus membros. Na dita sesión, o tribunal acordará todas as decisións que lle correspondan para o correcto desenvolvemento das probas selectivas.

A partir da súa constitución a comisión, para actuar validamente, requirirá a presenza da maioría absoluta dos seus membros, titulares ou suplentes.

A comisión resolverá todas as dúbidas que puidesen xurdir na aplicación destas normas así como o que se deberá facer nos casos non previstos.

O investigador propoñente á vista das solicitudes presentadas e dos criterios de baremación publicados deberá presentar á comisión de selección, da que forma parte , un informe razoado no que avaliará e priorizará as solicitudes presentadas.

7.-CARACTERÍSTICAS DOS CONTRATOS

As características dos contratos son as establecidas, para cada caso concreto, no anexo I desta convocatoria.

8.-NATUREZA DOS CONTRATOS

A contratación non implica ningún compromiso en canto á posterior incorporación ao cadro de persoal da Universidade de Santiago de Compostela.

9.-RESPONSABILIDADES SUBSIDIARIAS

As persoas contratadas deberán manter a confidencialidade da actividade que realicen, así como gardar sigilo de todas as cuestións e asuntos inherentes á mesma e das que sexa coñecedor.

10.-CRITERIOS DE BAREMACIÓN

Os criterios de baremación que se terán en conta serán os que se indican, para cada praza en concreto, no anexo I desta convocatoria.

10.-PROCEDIMENTO DE SELECCIÓN

A comisión de selección tendo en conta os criterios de baremación publicados valorará os méritos alegados polos aspirantes. Soamente poderán ser considerados aqueles méritos obtidos ata a data en que finalice o prazo de presentación de solicitudes.

Os resultados provisionais publicaranse, establecéndose un prazo de reclamacións de 3 días naturais. Vistas as reclamacións ou transcurrido dito prazo sen que se tivese presentado ningunha, publicaranse os resultados definitivos.

A comisión, para elaborar a proposta de adjudicación ordeará as solicitudes de maior a menor, correspondendo a proposta de adjudicación ao aspirante con maior puntuación. Dita proposta elevarase á Vicerreitoría de Investigación e Innovación, para a súa adjudicación.

A Comisión de selección en caso de evidenciarse a inadecuación dos méritos dos aspirantes ao perfil obxecto da convocatoria poderá declarar motivadamente a non adjudicación do posto convocado.

11.-NOTIFICACIÓN AOS ASPIRANTES

De acordo co artigo 59.6b) da Lei 30/1992, de 26 de novembro, as publicacións detalladas nestas bases, así como a información doutros actos que dela se deriven que requiran publicación, a efectos de notificación realizaranse no taboleiro de anuncios da Reitoría, única notificación válida, a efectos do artigo antes mencionado.

Así mesmo serán publicadas no taboleiro de anuncios da Vicerreitoría de Coordinación do Campus de Lugo e no taboleiro de anuncios da Oficina de Investigación e Tecnoloxía .

Contra a presente resolución que esgota a vía administrativa, poderá interpoñerse recurso contencioso-administrativo perante a Sala do Contencioso-Administrativo do Tribunal Superior de Xustiza de Galicia no prazo de dous meses contados a partir do día seguinte ao da súa publicación de conformidade cos artigos 46 e 10.1ª.a) da Lei da Xurisdición contencioso-administrativa, aprobada por Lei 29/1998, do 13 de xullo.

Non obstante os interesados poderán interpoñer recurso potestativo de reposición no prazo dun mes perante o órgano que o ditou. Neste caso non se poderá interpoñer recurso contencioso-administrativo anteriormente indicado en tanto non recaia resolución expresa ou presunta do recurso administrativo de reposición, ao abeiro dos artigos 116 e seguintes da Lei 30/1992, do 26 de novembro, de réxime xurídico das administracións públicas e do procedemento administrativo común, modificada pola Lei 4/1999, do 13 de xaneiro.

Santiago de Compostela, 5 de novembro de 2012

Por delegación do Reitor
(Resolución do 10/08/2011, DOG 18/08/2011)
O Vicerreitor de Investigación e Innovación,



Francisco González García



ANEXO I

PROXECTO

Título da actividade: Consolidación e estruturación de unidades de investigación competitivas
Referencia da actividade: 2012-PG092
Centro de traballo : Facultade de Filoloxía
Investigador Principal: Elías J.Torres Feijó

Número de prazas: 1

OBXECTO DA OBRA OU SERVIZO

Traballo a realizar: elaboración e realización de entrevistas cuantitativas e cualitativas. Colaboración en proxectos de investigación e em solicitudes de novos proxectos. Tarefas administrativas de apoio à investigación do grupo. Catalogación de datos. Atendimento de página web

CONDICIÓNS DO CONTRATO

Retribución bruta mensual: 1150 €
Duración do contrato: 2 meses com possibilidade de continuación anual
Data inicio prevista: 15/11/2012
Data fin prevista: 15/01/2013
Xornada laboral: tempo completo

REQUISITOS E MÉRITOS DOS CANDIDATOS

REQUISITOS

Titulacións: Diplomatura ou Licenciatura (Titulações universitárias do âmbito das **CC.Humanas ou das CC. Sociais**)

MÉRITOS: CV: 60 Traballo de fundamentación metodológica e elaboración de entrevistas cuantitativas e cualitativas (20 puntos), conhecimentos de estatística e métodos sociológicos de análise (15 puntos), conocimiento do funcionamento de técnicas de recolla e análise de datos: Atlas.ti, catalogador (10 puntos), Elaboración de bases de datos (2,5 puntos), elaboración e utilización de página web (2,5 puntos), conocimiento do portugués e do inglés (10 puntos). **Entrevista 40** Atitude, traballo en equipa, capacidade de innovación e solución de problemas

PROXECTO

Título da actividade: Ximere/Fuximere: integración da ferramenta de emisións SMOKE cos modelos meteorolóxico WRF e de calidade do aire CHIMERE e a súa validación
Referencia da actividade: 2010-PX274
Centro de traballo : ETSE
Investigador Principal: José Antonio Souto González

Número de prazas: 1

OBXECTO DA OBRA OU SERVIZO

Traballo a realizar: avaliación de novas emisións antropoxénicas, avaliación de novos focos emisores, publicación de resultados científicos

CONDICIÓNS DO CONTRATO

Retribución bruta mensual: 970,00 €
Duración do contrato: 8 meses
Data inicio prevista: 02/01/2013
Data fin prevista: 31/08/2013
Xornada laboral: tempo parcial

REQUISITOS E MÉRITOS DOS CANDIDATOS

REQUISITOS

Titulacións: Enxeñeiro Químico con Máster en Enxeñaría Ambiental

MÉRITOS: Experiencia na estimación de emisións atmosféricas (50 %), experiencia no manexo de datos ambientais mediante GIS (10%), expediente académico Enxeñeiro Químico (10%), expediente académico Máster en Enxeñaría Ambiental (20 %), cualificación traballo Fin de Máster en Enxeñaría Ambiental (10 %)

PROXECTO

Título da actividade: Mecanismos de adaptación social en contextos de violencia estatal masiva. O caso de Galicia (1936-1939) en perspectiva comparada.
Referencia da actividade: 2012-PG190
Centro de traballo : Facultade de Xeografía e Historia
Investigador Principal: Antonio Miguez Macho

Número de prazas: 1

OBXECTO DA OBRA OU SERVIZO

Traballo a realizar: Documentación e traballo de arquivo relacionado cós contidos do proxecto. Traballo de ofimática, base de datos e manexo web. Xestión do patrimonio documental, oral, gráfico do proxecto. Outros (colaboración na organización de actividades de investigación

CONDICIÓNS DO CONTRATO

Retribución bruta mensual: 1330,00 €
Duración do contrato: 11 meses
Data inicio prevista: 01/02/2013
Data fin prevista: 31/12/2013
Xornada laboral: tempo completo

REQUISITOS E MÉRITOS DOS CANDIDATOS

REQUISITOS

Titulacións: Licenciado em Historia

MÉRITOS: Experiencia profesional (documentalista, manexo web, construción e xestión de base de datos, temas de memoria histórica, violencia e represión franquista (50 %), publicacións e participación en proxectos/convênios de I+D+I (20 %), entrevista (20 %), outros (10%)

PROXECTO

Título da actividade: Deseño de algoritmos para problemas de programación enteira e non linear
Referencia da actividade: 2012-PG239
Centro de traballo : Facultade de Matemáticas
Investigador Principal: Julio González Díaz

Número de prazas: **DÚAS**

OBXECTO DA OBRA OU SERVIZO

Traballo a realizar: Deseño de algoritmos para resolución de problemas de optimización, desenvolvemento de análise teóricos asociados a ditos algoritmos, implementación dos algoritmos

CONDICIÓNS DO CONTRATO

Retribución bruta mensual: 1120 €
Duración do contrato: 12 meses (prórrogables ata o 31-10-2014)
Data inicio prevista: 15/01/2013
Data fin prevista: 14/01/2014
Xornada laboral: tempo completo

REQUISITOS E MÉRITOS DOS CANDIDATOS

REQUISITOS

Titulacións: Licenciatura, grao ou Diplomatura en Matemáticas, Informática, Estatística, Física ou Enxeñeiro Superior

MÉRITOS: Formación académica (4 puntos), coñecementos de programación (2 puntos), experiencia no campo de traballo (1,5 puntos), coñecementos de inglés (0,5 puntos), entrevista persoal (2 puntos)

PROXECTO

Título da actividade: Sistemas fluidos baseados en líquidos iónicos para a disolución e fraccionamento de biomasa
Referencia da actividade: 2012-PG175
Centro de traballo : Escola Técnica Superior de Enxeñería
Investigador Principal: Hector Rodríguez Martínez

Número de prazas: 1

OBXECTO DA OBRA OU SERVIZO

Traballo a realizar: Síntese de líquidos iónicos. Caracterización de sistemas monofásicos e bifásicos incorporando líquidos iónicos. Realización de experimentos de solubilidade e de dixestión de biomasa en sistemas baseados en líquidos iónicos. Realización de correlacións termodinámicas axeitadas en base os resultados experimentais. Redacción de informes e documentos científicos

CONDICIÓNS DO CONTRATO

Retribución bruta mensual: 1118 €
Duración do contrato: 23 meses
Data inicio prevista: 01/01/2013
Data fin prevista: 30/11/2014
Xornada laboral: tempo completo

REQUISITOS E MÉRITOS DOS CANDIDATOS

REQUISITOS

Titulacións: Enxeñeiro Químico (5 anos), ou Máster en Enxeñería dos Procesos Químicos e Ambientais

MÉRITOS: Coñecementos de líquidos iónicos (20 %), interese na realización da tese de doutoramento (15 %), disposición á mobilidade (15 %), bos coñecementos do idioma inglés (20 %), entrevista persoal (30 %)

ANEXO II

SOLICITUDE PARA PARTICIPAR NA CONVOCATORIA PÚBLICA 10/2012 DE CONTRATACIÓN DE PERSOAL PARA COLABORAR EN ACTIVIDADES DE INVESTIGACIÓN MEDIANTE CONTRATO DE OBRA OU SERVIZO DETERMINADO

Datos persoais

Nome	Apelidos	DNI	Expedido

Domicilio a efectos de notificación

Rúa, número, planta, porta:	C.P.:
Municipio, provincia:	Teléfono:
e-mail a efectos notificación:	

Datos da actividade de investigación para a que presenta a solicitude

Título da actividade:
Referencia Praza : Investigador Principal:
Centro:
Tese de Doutoramento: indicar se está matriculado na Tese de Doutoramento
<u>DOCUMENTACIÓN A PRESENTAR: FOTOCOPIA DA CERTIFICACIÓN ACADÉMICA PERSOAL , NAS PRAZAS NAS QUE SE VALORE O EXPEDIENTE DEBERÁ REFLECTIR A NOTA MEDIA, FOTOCOPIA DO TÍTULO, E FOTOCOPIA DOS MÉRITOS ALEGADOS</u>

EXPÓN

SOLICITA

_____, a _____ de _____ de _____

Sinatura,
SR. REITOR DA UNIVERSIDADE DE SANTIAGO DE COMPOSTELA